


**БАСҚОСУ**  
Көрсетілімге ерекше ұйымшылдықпен атсалысты



**2**

**ӘЛЕУМЕТ**  
Баспаналы болуға асығыңыз!



**5**

**ДАМУ**  
Жаңа аудан жанданып келеді



**6**

**КӘСІП**  
Бизнесті бамперден бастады



**8**



# Сыр бойы 90 жыл



№131 (19809)

Қызылорда облыстық қоғамдық-саяси газет

1929 жылдың 1 шілдесінен шығады

[www.facebook.com/syrboyi.kz/](http://www.facebook.com/syrboyi.kz/)

<https://twitter.com/syrboyi>

[www.instagram.com/syrboyikz](http://www.instagram.com/syrboyikz)

3 қыркүйек /СЕЙСЕНБІ/ 2019 жыл

## СЫНДАРЛЫ ҚОҒАМДЫҚ ДИАЛОГ – ҚАЗАҚСТАННЫҢ ТҰРАҚТЫЛЫҒЫ МЕН ӨРКЕНДЕУІНІҢ НЕГІЗІ

### Қазақстан Республикасының Президенті Қасым-Жомарт Тоқаевтың Қазақстан халқына Жолдауы

**Құрметті отандастар!  
Құрметті депутаттар,  
үкімет мүшелері!**

Баршаңызды жаңа парламенттік маусымның басталуымен құттықтаймын!

Біз еліміздің жаңа тарихындағы маңызды белеске жақындап келеміз.

Отыз жылға жуық уақыт бұрын халқымыз өзін Тәуелсіздігін жариялап, бабаларымыздың ғасырлар бойы аңсаған арманын орындады.

Осы уақыт ішінде Қазақстанның Тұңғыш Президенті – Елбасы Нұрсұлтан Әбішұлы Назарбаевтың басшылығымен еліміз әлемдегі беделді әрі орнықты мемлекетке айналды. Баянды бірлігіміздің арқасында тәуелсіздігімізді нығайтып, халқымыздың жағдайын жақсартуға жол аштық.

Бұл жасампаздық пен ілгерілеу, бейбітшілік пен келісім кезеңі болды.

Еліміздің даму жолын бүкіл әлем мойындап, Қазақстандық, яғни Назарбаев моделі деп атады.

Қазір бізге Тәуелсіздіктің жетістіктерін еселеп, елімізді дамудың жаңа сапалы кезеңіне шығару мүмкіндігі беріліп отыр.

Біз бұған Елбасы саясатының сабақтастығын сақтап, жүйелі реформалар жүргізу арқылы қол жеткізе аламыз.

Өздеріңізге белгілі, осының бәрі менің сайлау алдындағы бағдарламама негіз болды.

Қазір мемлекеттік органдар оны жүзеге асыру үшін тиісті жұмыстар жүргізуде.

Мен халыққа берген уәделерімді міндетті түрде орындаймын.

Біз өз жұмысымызда Елбасы ұсынған бес институционалды реформа мен Ұлт Жоспарын толыққанды жүзеге асыру қажеттігін басты назарда ұстауымыз керек.

Елбасымыздың бастама-сымен құрылған Жаңғырту жөніндегі Ұлттық комиссияның жұмысын қайта жандандыру қажет.

Енді ортақ міндеттерімізді және сайлауалды бағдарламалы іске асыруға қатысты ой-пікірлеріме тоқталатын.



#### I. ЗАМАН ТАЛАБЫНА САЙ ТИІМДІ МЕМЛЕКЕТ

Мен уәде еткен саяси жаңғыру үдерісі азаматтарымыз бен мемлекетіміздің мүдделеріне сәйкес, біртіндеп үздіксіз жүзеге асырылатын болады.

Негізсіз, жүйесіз саяси ырықтандыру елдің ішкі саяси ахуалының тұрақсыздығына, тіпті мемлекеттіліктен айырылуға әкеліп соғатынын әлем елдерінің тәжірибесінен көріп отырмыз.

Сондықтан біз саяси реформаларды «асығыстыққа салынбай», керісінше, кезең-кезеңімен, табанды түрде және жан-жақты ойластырып жүзеге асыратын боламыз.

Еліміздің қоғамдық-саяси өмірін жаңғыртпай, табысты экономикалық реформаларды іске асыру мүмкін емес. Бұл

– біздің ұстанатын басты қағидатымыз.

«Қүшті Президент – ықпалды Парламент – есеп беретін Үкімет».

Біз бұл максатқа әлі де жете қойған жоқпыз. Сондықтан осы бағыттағы жұмысқа бар күш-жігерімізді салуымыз қажет.

Саяси жүйенің бұл формуласы мемлекет тұрақтылығының негізі саналады.

Азаматтардың барлық сындарлы өтініш-тілектерін жедел әрі тиімді қарастыратын «Халық үніне құлақ асатын мемлекет» тұжырымдамасын іске асыру – бәрімізге ортақ міндет.

Білік пен қоғам арасында тұрақты диалог орнату арқылы ғана қазіргі геосаяси ахуалға бейімделген үйлесімді мемлекет қалыптастыруға болады. Сондықтан азаматтық

қоғамға қолдау көрсетіп, оның әлеуетін нығайта түсу керек. Сондай-ақ, аса маңызды жалпы мемлекеттік міндеттерді шешу үшін талқылау жұмыстарына азаматтық қоғамның мүмкіндіктерін кеңінен қолдану қажет.

Осы мақсатпен біз белгілі қоғам өкілдерін қамтитын Ұлттық қоғамдық сенім кеңесін құрдық. Бұл кеңес ротациялық тәртіппен жұмыс істейді.

Алдағы уақытта бізге мынадай шараларды жүзеге асыру керек.

Бірінші. Партия құрылысы үдерісін жалғастыру.

Көшбасшымыз және партия Төрағасы Нұрсұлтан Әбішұлы Назарбаевтың арқасында «Nur Otan» партиясы еліміздің жетекші саяси ұйымына жүктелетін күрделі әрі жауапты міндеттерді дәйекті түрде іске асырып келеді.

Біз қоғам игілігі үшін сындарлы саясат жүргізіп келе жатқан басқа да саяси партиялармен және қозғалыстармен ынтымақтастықта жұмыс істеуіміз қажет.

Қоғамды толғандырып отырған негізгі мәселелер көшеде емес, Парламентте және азаматтық диалог аясында талқыланып, шешімін табуы тиіс.

Депутаттар Үкіметке өзекті мәселелерге қатысты сауалдарын жолдап, нақты шаралар қабылдауды талап ете отырып, өздеріне берілген заңды құқықтарын пайдалануы қажет.

Заң шығарушы және атқарушы билік арасындағы қарым-қатынас жасанды тартысқа емес, іскерлік сипатқа, өзара құрметке негізделуі тиіс. Мемлекет басшысы ретінде елімізде көппартиялықты,

саяси бәсекелестікті және ой-пікірдің сан алуандығын дамытуға ықпал етуді өз міндетім деп санаймын.

Бұл саяси жүйе тұрақтылығының ұзақ болуы үшін маңызды.

Алдағы Парламент Мәжілісі мен мәслихаттар сайлауы еліміздегі көппартиялық жүйенің дамуына оң ықпал етуі тиіс.

Екінші. Халықпен тиімді кері байланыс орнату.

Қоғамдық диалог, ашықтық, адамдардың мұң-мұқтажына жедел назар аудару мемлекеттік органдар қызметінің негізгі басымдықтары саналады.

Президент Әкімшілігінде азаматтардан келіп түскен өтініштерді мемлекеттік органдардың сапалы қарауын қадағалап, жедел шаралар қабылдайтын бөлім құрылды.

Көп жағдайда азаматтарымыз орталық және жергілікті органдар басшыларының құлықсыздығы мен «бейкамдығына» байланысты Президентке жүгінуге мәжбүр болады.

Белгілі бір саладағы шешімдердің әділетсіздігіне қатысты жолданатын көптеген шағымдар нақты мемлекеттік органда немесе аймақта күрделі түйткілдер бар екенін көрсетеді. Енді бұл мәселеге дәл осы тұрғыдан қарап, тиісті шешімдер қабылдаған жөн.

Мемлекеттік қызметшілер жұмысының тиімділігін арттыру мақсатында арнайы дайындығы бар жас кадрларды тарту қажет. Сонымен бірге 2020 жылдан бастап біз мемлекеттік қызметшілердің санын біртіндеп қысқартуға кірісіп, үнемделген қаражатты неғұрлым пайдалы қызметкерлерді ынталандыруға жұмсаймыз.

2024 жылға қарай мемлекеттік қызметшілердің және ұлттық компаниялар қызметкерлерінің санын 25 пайызға қысқарту қажет. Үшінші. Митингтер туралы заңнаманы жетілдіру.

Конституцияға сәйкес азаматтарымыздың өз ойын еркін айтуға құқығы бар.

2,3-4-беттерде.

## Екі автокөлік табысталды

ҚР Конституциясы және Білім күні қарсаңында облыс әкімі Қуанышбек Ысқақов Жалаңтөс баһадір атындағы спортта дарынды балаларға арналған мектеп-интернат-колледжде болып, оқу ордасының ұжымымен және студенттермен кездесті. Білім ошағы биыл күрделі жөндеуден өткізілген болатын. Сонымен қатар, №3 велоспорт жөніндегі олимпиадалық резервтің мамандандырылған балалар-жасөспірімдер мектебіне екі автокөлікті сыйға тартты.

Дәулет ҚЫРДАН.

– Мектеп-интернат өзінің өсу-өркендеу жолында бүгінгі тәуелсіз елдің белгілі спортшыларын оқытатын, тәрбиелейтін колледж дәрежесіне дейін көтерілді. Оқу ордасынан есімдері елге танымал Әлем, Азия чемпионы мен Олимпиада жүлдегерлері түлеп шыққаны бәріміздің көз алдымызда. Мәселен, ауыр атлетикадан Олимпиада ойындарының қола жүлдегері Александр Зайчиков, Әлем чемпионатының күміс жүлдегері Алмас Өтешов, еркін күрестен 3 дүркін Азия чемпионы Дәулет Ниязбеков, дзюдодан жасөспірімдер Олимпиада ойындарының чемпионы, тұңғыш Әлем чемпионы Бауыржан Жауынтаев, еркін күрестен Олимпиада

ойындарының қатысушысы Ғалымжан Өсербаев, ауыр атлетикадан Әлем чемпионатының қатысушысы Қуаныш Рахатов сынды Алаштың айыбын асырған спортшылар алғашқы жетістіктеріне осы шаңырақта қол жеткізіп, биік шыңдарға құлаш сермеді. Осындай тұлғаларды бар мектеп-интернат-колледж студенттері өткен оқу жылында республика чемпионаттарында 111 медаль иеленді. Биыл Қазақстан Республикасының 5 спорт шебері, 40 спорт шеберлігіне үміткер лайындалып, ұлттық құрама сапына 32 оқушы енді, – деді облыс әкімі. Айтпа кетейік, биыл Қазақстан Республикасының IX жазғы мектеп және колледж



Суретті түсірген Бағдат ЕСЖАНОВ.

оқушылары арасындағы спартакиадада мектеп-интернат-колледж оқушылары 57 медальға қол жеткізді. Ал өткен жылы Аргентинаның Буэнос-Айрес қаласында

өткен III жазғы жасөспірімдер Олимпиада ойындарында колледж студенті Диас Бахрадин байдарка және каноэде есуден алтыннан алқа таққан. Одан бөлек, Лас-

Вегаста өткен жасөспірімдер арасында ауыр атлетикадан Есенгелді Сәпи мен Рахат Екболол әлемді бағындырған еді. Салтанатты шарада облыс

әкімі №3 велоспорт жөніндегі олимпиадалық резервтің мамандандырылған балалар-жасөспірімдер мектебіне екі автокөлік кілтін тарту етті.

– Қазір облыс басшылығы тарапынан бізге барлық жағдай жасалған. Бүгінгі сыйға берілген автокөліктер соның бір дәлелі ғана. Тоғыз жаттықтырушымыз бар. Республикалық, әлемдік додаларға қосқан шәкірттеріміз олжа салып жүр. Қазір 240 бала тәрбиелеп жатырмыз, – деді аталған мектеп директоры Александр Ильин.

Аймақ басшысы нысанның күрделі жөндеуден өткізілгеннен кейінгі жаңаша кейіпін аралап көріп, оң баға берді. Мұнда қазір «Спорт жаттықтырушысы-оқытушы» мамандығы бойынша 40 студент білім алумен қатар спорттық шеберліктерін шыңдау үстінде. Оқушыларға қолайлы жағдай жасау мақсатында мектеп-интернат-колледждің жатақхана, асхана, оқу орталығы мен әкімшілік бөліміне күрделі жөндеу жұмыстары жүргізілген болатын.







ЖОЛДАУ және ЕЛ ҮНІ

Билік пен халық байланысына жаңа леп алып келеді

Президент Қасым-Жомарт Тоқаев Мемлекет басшысы қызметіндегі Қазақстан халқына арнаған алғашқы Жолдауын жариялады. Ол бүгінгі Жолдауында мемлекеттік басқарудың тиімділігін арттыруға, азаматтардың бостандығы мен қауіпсіздігін қамтамасыз етуге, ел экономикасын дамытуға, халықты әлеуметтік қамтамасыз ету жұмыстарын модернизациялауға, сондай-ақ өңірлерді дамытуға бағытталған бірқатар маңызды бастамаларын жария етті. Экономикалық, саяси және әлеуметтік салаларға қатысты маңызды шешімдерді орындау туралы Үкімет пен Парламентке тиісті тапсырмалар берді.



Қоғамдық диалог, ашықтық, жедел әрекет ету халықтың ойынан шығатын іс. Бұл билік пен халықтың байланысына жаңа леп әкеледі. Егер де билік өкілдері мен қарапайым адамдар бұрынғыдан да бетер тығыз қарым-қатынаста болса, онда проблемалардың жылдам және дұрыс шешілуіне тікелей жол ашылады.

Қасым-Жомарт Кемелұлының жария еткен көптеген мәселелері халықтың да, бизнес өкілдерін де қуантады деп ойлаймын. Аталған жолдаулардың ішінде аз қамтамасыз етілген отбасыларға кепілді әлеуметтік пакет енгізуді өте дұрыс шешім деп ойлаймын. Ал шағын бизнесті үш жылға табыс салығынан босату, 2020 жылдан бастап үш жылға дейін тексерулер жасауды тоқтату кәсіпкерліктің дамуына сөзсіз оң әсерін тигізетін болады. Сондай-ақ, балаларға қатысты зорлық-зомбылық, браконьерлікке қатысты қылмыстарға жазаны шұғыл түрде қатаңдату мәселесі де дер кезінде қолға алынғалы отыр.

Имамдин ОҢҒАРБАЕВ, облыстық мәслихат депутаты.

Еңбек нарығы және кәсіби маман

Мемлекет басшысы Қасым-Жомарт Тоқаев Қазақстан халқына арнаған Жолдауында орта, техникалық және кәсіптік, жоғары білім беру жүйесіндегі бүгінгі күнгі түйткілді мәселелерді дәп басып, нақты шешімін айтты. Бүгінде колледждер мен университеттердегі мамандар даярлау жүйесінің нақты еңбек нарығынан тыс қалғаны анық. Техникалық және кәсіптік, орта білімнен кейінгі, жоғары білімді мамандар даярлауда әр өңірдің экономикалық дамуы, еңбек нарығының сұранысы толық ескерілмей келеді. Нәтижесінде, оқу орнын бітірген жастар өз мамандығы бойынша жұмысқа орналаса алмай, жұмыссыздар мен маргиналь жастардың тобын көбейтіп отырғаны рас. Кей кәсіп-орындар қажетті мамандарды шетелден шақыруға мәжбүр.



Бүгінде колледждер мен университеттердегі мамандар даярлау жүйесінің нақты еңбек нарығынан тыс қалғаны анық. Техникалық және кәсіптік, орта білімнен кейінгі, жоғары білімді мамандар даярлауда әр өңірдің экономикалық дамуы, еңбек нарығының сұранысы толық ескерілмей келеді. Нәтижесінде, оқу орнын бітірген жастар өз мамандығы бойынша жұмысқа орналаса алмай, жұмыссыздар мен маргиналь жастардың тобын көбейтіп отырғаны рас. Кей кәсіп-орындар қажетті мамандарды шетелден шақыруға мәжбүр.

стандартының да негізіне айналуды тиіс. Демек жеке кабинеттеріне қарай белгілі бір мамандықтар бағытына бағдарланған орта білім алып шыққан мектеп бітірушілердің еңбек нарығының сұранысына негізделген мамандықтар бойынша білім алуына мүмкіндік жасау – маманның жоғары сапалы денгейі мен сұранысқа сай болуының бірден-бір кепілі болар еді. Біздің облыста мамандар даярлауды аймақтың еңбек ресурстарының балансына негіздеу мұнан 4-5 жыл бұрын қолға алынып, ол өз нәтижесін де көрсетті. Дегенмен, маманға сұраныстың осы ұзақ мерзімді болжамын анықтаудың әдістемесін жетілдіру қажет.

Бaqытжан САЙЛЫБАЕВ, М.Мәметова атындағы педагогикалық жоғары колледждің директоры, педагогика ғылымының докторы, профессор.

Жолдау кәсіпкерлерге жасалатын жеңілдігімен құнды

Мемлекет басшысы Қасым-Жомарт Тоқаевтың халыққа арнаған алғашқы Жолдауы бизнес өкілдері үшін тосын әрі жағымды жаңалықтарға толы болды. Әсіресе, Президенттің «Жұмыс берушінің жұмысшыға қосымша 5 пайыз зейнет-ақы аударуы 2023 жылға шегеріледі», – деген сөзі кәсіпкерлердің енесін көтеріп тастады. Бұл мәселе айтылған сәттен бастап «Атамекен» Ұлттық кәсіпкерлер палатасы бизнеске әрі қарай ауыртпалық салуды ұлғайтуға қарсылығын білдіріп, аталған нормаларды қайта қарау бойынша нақты позицияны ұстанған болатын. Сонымен қатар, Ұлттық палата өз кезегінде кәсіпкерлерді, қауымдастықтарды, тәуелсіз сарапшыларды тарту арқылы мәселені жан-жақты талқылауға да шақырды. Міне, бүгін нәтижені көріп отырмыз. Қасым-Жомарт Кемелұлы 5 пайыздық міндетті зейнет-ақылық жарнаның енгізілу мерзімін шегеруді тапсырды. Жолдаудағы бизнес өкілдері үшін келесі үлкен жолдау – Президенттің микро және шағын бизнес компанияларын табысқа салынатын салықтан 3 жылға босату туралы Үкіметке заңды негіз құруды тапсыруы. Соңғы кезде, Кәсіпкерлер палатасы Өңірлік кеңесінің төрағасы Ділдүхамед Әбізов көрші Өзбекстан еліндегі шағын және орта бизнеске жасалып жатқан жағдайларды айтып, соның нәтижесінде елімізде жеңіл өнеркәсіпті ақсатып алу қаупі болып тұрғандығын түрлі алаңдарда көтеріп жүрген болатын. Мемлекет басшысының Жолдауда Үкіметке берген тапсырмасын кәсіпкерлер қуана қабылдады. Нәтижесімен жаңа жұмыс орындары ашылып, өз елімізде өндірілетін өнімдер сапының артары сөзсіз.



Жолдауда айтылған «Бизнесің жол картасы» бағдарламасына қосымша бөлінетін 250 млрд теңге, мемлекеттік сатып алу дағды ашықтықты талап ету, 2020 жылдан бастап 3 жылға дейін микро және шағын кәсіпкерлікті тексеруге тыйым салу, экономиканы әртараптандыруға қатысты мәселелер кәсіпкерлерді көкейінде жүрген жайттар болатын. Мемлекет басшысы бұл қамдамдар арқылы елімізде кәсіпкерлікті қолдау аймағына жаңа және жаңа-жаңы жүргізілетіндігін көрсетті. Жолдау кәсіпкерлер үшін осынымен құнды.

Жолдауда айтылған «Бизнесің жол картасы» бағдарламасына қосымша бөлінетін 250 млрд теңге, мемлекеттік сатып алу дағды ашықтықты талап ету, 2020 жылдан бастап 3 жылға дейін микро және шағын кәсіпкерлікті тексеруге тыйым салу, экономиканы әртараптандыруға қатысты мәселелер кәсіпкерлерді көкейінде жүрген жайттар болатын. Мемлекет басшысы бұл қамдамдар арқылы елімізде кәсіпкерлікті қолдау аймағына жаңа және жаңа-жаңы жүргізілетіндігін көрсетті. Жолдау кәсіпкерлер үшін осынымен құнды.

Ғалымбек ЖАҚСЫЛЫҚОВ, Қызылорда облысы кәсіпкерлер палатасының директоры.

Асыраушы саланың әлеуеті артады

Президент Қасым-Жомарт Тоқаев Қазақстан халқына арнаған Жолдауында еліміздің агроөнеркәсіп кешенін дамыту жөнінде бірқатар міндет жүктеді. Әсіресе, асыраушы саланың әлеуетін толық пайдалану, оның ішінде суармалы жер көлемін 2030 жылға қарай 3 млн гектарға жеткізу керектігін тапсырды. Бұл егіншілік саласы түгел дерлік суармалы жүйеге негізделген Сыр өңірі үшін өте маңызды. Мұндай егістік көлемін 300 мың гектарға жеткізу бағытында нақты іс-шаралар жоспары қабылданды. Қазіргі күні аудандар мен Қызылорда қаласында суармалы жер көлемін нақтылау және игерілмей жатқан бөлігін айналымға қосу шаралары атқарылуда.



Айта кетейік, соңғы 5 жылда облыс бойынша суармалы жер мен қолданыстағы егіс көлемі 25 мың гектарға артып отыр. Оның басым бөлігі мал азығындық, дәнді және майлы дақылдар үлесінде. Суармалы жер аумағын ұлғайту өнім өңдеу

көлемін, жұмыс орындарының санын және халықтың табысын арттыруға мүмкіндік береді. Оған бөлек, Жолдауда ауыл шаруашылығы өнімінің экспорт аясын кеңейту туралы тапсырма берілді. Біздің аймақтан күріш пен ет, балық, бақша өнімдері республикада ғана емес, көрші мемлекеттерде де жоғары сұранысқа ие. Соңғы 5 жыл ішінде Сыр өңірінен экспортталатын өнім саны 18-ге дейін жетті. Импорт ағынын азайтып, экспорт көлемін көбейту шаралары әлі де жалғаса береді.

Сейіпбек НҰРЫМБЕТОВ, облыстық ауыл шаруашылығы басқармасы басшысының міндетін атқарушы.



Мұрат Бактиярұлы 1958 жылы Қызылорда облысында дүниеге келген. С.М.Киров атындағы Қазақ мемлекеттік университетінің

Сенат комитетінің төрағасы болды

Қазақстан Республикасы Парламенті Сенатының депутаты Мұрат Бактиярұлы Сенаттың әлеуметтік-мәдени даму және ғылым комитетінің төрағасы болып сайланды.

тарих факультетін (1986) заң академиясының заң факультетін (2001) заңгер мамандығы бойынша бітірген. Саяси ғылымдар докторы. 2008-2011 жылдары Қызылорда облысы әкімінің орынбасары, 2011 жылдан бері Қазақстан Республикасы Парламенті Сенатының депутаты.

БРИФИНГ Құрылыста қарқын жоғары

Өңірлік коммуникациялар қызметінде облыстық құрылыс, сәулет және қала құрылысы басқармасы басшысының міндетін атқарушы Арнұр Нұрмағанбетовтің қатысуымен брифинг өтіп, онда салада биылғы жартыжылдықта атқарылған жұмыстар сөз болды. Айгүл БАТТАЛОВА.

Биыл әлеуметтік нысандардың құрылысын жүргізуге мемлекеттік бюджеттен 9,9 млрд теңге бөлінген. Оған бытырлардан өтпелі 12 және жаңа 12 нысанның құрылысы жүргізілуде. Есепті мерзімде 3 нысан пайдалануға берілді. Жыл соңына дейін 8 нысанның құрылысын аяқтау жоспарланса, қалғаны келер жылға өтеді. Биыл облыста «Нұрлы жер» мемлекеттік бағдарламасы аясында 1862 пәтерді құрайтын 43 тұрғын үйдің құрылысы жүргізілуде. Облыс әкімдігінің бастамасымен «Баламекен» жобасы шеңберінде 100 отбасы «Б.Өтемұратов қоры» жеке қорының қалған 50 отбасы жергілікті бюджет есебінен тұрғын үймен қамтамасыз етіледі деп жоспарлануда. Биыл 1 маусымда 100 пәтерлі 50 үй пайдалануға берілді. Жалпы, биыл барлық қаржыландыру көздерінен 720,8 мың шаршы метр тұрғын үйді

Биыл жаңа полигон іске қосылады

Облыста 159 мың гектар суармалы жерді қалпына келтіру және пайдаланылмай тұрған 29 мың гектар жерді қайта айналымға қосу жөнінде 3 жоба жүзеге асуда. Бұл туралы өңірлік коммуникациялар қызметінде өткен брифинг барысында айтылды. Айдаңа ЖҰМАДИНОВА.

– Ирригациялық және дренажды жүйелерді жетілдіру жобасының екінші кезеңіне Жалағаш ауданының Аққу, Бұқарбай батыр, Таң және Мәдениет ауылдық округтеріндегі 15 мың гектар суармалы жер енгізілген. 29 мың гектар суармалы жерді айналымға қосу жобасына енген нысандарды құжаттандыру жұмыстары аяқталып, республикалық меншікке өткізілді. Жоба Азия даму банкінің қарыз қаражаты есебінен 2020 жылы іске асырылатын болады. ҚР Ауыл шаруашылығы министрлігі Су ресурстары комитетінің тапсырмасы бойынша «Суармалы жерлер үшін ирригациялық жерлерді модернизациялау» жобасының техникалық-экономикалық негіздемесі әзірленді. Бұл жоба жүзеге асырылған жағдайда ирригациялық жүйеге келтірілген суармалы жерлердің 80 проценті қалпына келтіріліп, ауыл шаруашылығының дамуына үлкен септігін тигізетін болады, – деді облыстық табиғи ресурстар және табиғат пайдалануды реттеу басқармасы басшысының орынбасары Жұлдызай Айтанова. Ал елді мекендерді аяқсумен қамтамасыз ету мақсатында, облыс аумағында иесіз қалған 372 су шаруашылығы нысандары анықталып, 216-ның төлқұжаттары әзірленді. Баспасөз конференциясында өңірдегі балық шаруашылығының даму барысы да айтылды. Бүгінде балық шаруашылығын жүргізу үшін Кіші Арал теңізіндегі 18 учаске мен 207 көлдің учаскелері тізімге алынған. Оның ішінде Кіші Арал теңізінің 18 учаскесі

Баспаналы болуға асығыңыз!

Облыста тұрғын үй құрылысының қарқынды қарымды. Сырдарияның сол жағалауына салынып жатқан қосқабатты үйлер көз қуантады. Жуырда мұнда тағы 240 тұрғын «Нұрлы жер» бағдарламасы арқылы қоныстанбақ. Бұл жағымды жаңалыққа біз «Тұрғын үй құрылыс жинақ банкі» АҚ облыстық филиалының ұйымдастырған баспасөз турында көз жеткіздік. Банк басшылығы көпшілікті баспаналы болудың қарапайым шарттарымен таныстырып, үйлерді аралап көрсетті. Мөлдiр ҚАЛЫМБЕТ



Суретті түсіріп: И.НҰРЖАУБАЙ

– Кез келген банк салымшысы аталған бағдарламаға қатысып, осы тұрғын үйлерді сатып ала алады. Өтініш baspana.kz порталы арқылы 28 тәміздан бастап қабылдануда. Бірақ, үй алуға деген қабиетті анықтау үшін жеке есеп-шотта 500 мың теңге болуы шарт. Пулга ең көп балл жинаған адамдар кіреді. Балл саны депозитті толықтыру жиілігіне және оның мерзіміне байланысты, яғни салымшының шоты неғұрлым ерте ашылып, тұрақты түрде толықса, онда оның балл саны да жоғары болады. Есептеу процесі автоматтандырылған әрі айқын түрде жүргізіледі, – деді «Тұрғын үй құрылыс жинақ банкі» АҚ облыстық филиалы директорының орынбасары Илия Жұрынов. Сонымен, аумағы 57 шаршы метрді құрайтын 2 бөлмелі пәтердің құны 7 980 000 теңге деп есептесек, оның 1 596 000 теңге бастапқы жарнасын жинаған тұрғын ай

толықтай және 177 көл конкурстық негізде 5 жылдан 10 жылға дейін кәсіпкерлерге бекітілген. Биыл облыста 7492 тонна балық аулау лимиті бекітілсе, жылдың алғашқы 6 айында 2397 тонна балық ауланыпты. Орман шаруашылығы бойынша биыл мемлекеттік орман қоры жерлерінде 11334 гектар орман отырғызу жұмыстары іске асуда. Сондай-ақ орман көлемін арттыру мақсатында 22,6 гектар аумаққа уақытша тұқымбақ жұмысы ұйымдастырылған. Ал аймақта тұрмыстық қатты қалдықтарды басқару саласы бойынша 3 бағытта жұмыс жүргізілуде. Биылғы жылдың алғашқы жартыжылдығында 54036 мың тонна қатты тұрмыстық қалдықтар жинақталса, оның 3248 тоннасы өңделген. Бұл саладағы басты жаңалық жыл соңына дейін жаңа полигонның іске қосылуы болмақ. Аумағы 20 гектарды құрайтын жаңа полигон Белкөл кентінен 4 шақырым қашықтықта орналасқан. Мұнда жылына 60 мың тонна тұрмыстық қатты қалдық сұрыпталатын болады.

# «Мектеп – кеме, білім – теңіз»

Қоңыр күздің алғашқы күнінде еліміздің барлық білім беру ошағы оқушыларға есігін айқара ашты. Жаңа оқу жылында облыстағы 293 мектепке 164 500 оқушы келді. Бұл өткен жылмен салыстырғанда 10 мыңға көп. Өңірде 21 мыңнан астам бала мектеп табалдырығын алғаш рет аттады. Олардың саны былтырғыға қарағанда 2500-ге артық.



## Байзақ Момынбаевтың есімі берілді

1 қыркүйек – Білім күні мерекесі қаладағы №278 ІТ мектеп-лицейінің оқушылары мен ұстаздары үшін ерекше салтанатпен өтті. Бұл күні мектепке Қазақстанның еңбек сіңірген қайраткері, «Парасат» орденінің иегері, академик Байзақ Момынбаевтың есімі беріліп, бюсті ашылды.

Салтанатты шараға облыс әкімінің орынбасары Наурызбай Байқадамов, Қазақстанның Халық қаһарманы, қазақтың тұңғыш ғарышкері Токтар Әубәкіров, ақын, драматург, мемлекеттік сыйлықтың иегері Иран-Ғайып Оразбаев, әлемнің төрт дүркін чемпионы Илья Ильин және Б.Момынбаевтың ұлы Жомарт Момынбаев, академиктің әріптестері мен достары, шәкірттері қатысты.

Салтанатты шарада облыс әкімінің орынбасары Наурызбай Байқадамов оқушыларды айтулы мерекемен құттықтап, білім нысанына есімі берілген Байзақ Момынбаевтың еңбек жолы мен ғылымдағы қолтаңбасына тоқталды.

– Бүгін – аса қуанышты күн. Бірінші сынып оқушылары алғаш рет мектеп партасына отырып, жаңа өмірге қадам басуда. Соңғы бірнеше жыл ішінде білім беру жүйесі әлемдік үдеріспен өсуде. Мемлекет басшысы Қ.Тоқаев жақында өткен республикалық тамыз конференциясында білім сапасын жоғары деңгейге шығаруды, ұстаз мәртебесін көтеруді жүктеді. Жаңа оқу жылында Президент тапсырған міндеттерді орындау біз үшін аса маңызды. Осы орайда мектептерді заманауи технологиялармен қамтамасыз ету, мұғалімдерді әлеуметтік жағынан қолдау назардан тыс қалмайды. Бүгінде облыс көлемінде апатты жағдайдағы мектептер мәселесі түбегейлі шешілді. Саланы дамытуға бағытталған жұмыстар алдағы уақытта да жалғасын таба береді.

Еліміздің білім және ғылым саласына зор үлес қосқан академик Байзақ Момынбаевтың есімі осы білім ұясына беріліп, бюсті ашылып отыр. Осы жиынға қатысып отырған ұлтмыздың мақтанышына айналған тұлғаларға зор алғысымызды білдіреміз, – деді.

Байзақ Көпірбайұлы 1946 жылы 1 тамызда Қызылорда облысы Сырдария ауданы (қазіргі Шиелі ауданы), Бірлестік колхозында дүниеге келген. Ол – елімізде отандық инженерлік-педагогикалық білімнің негізін қалаушы, техника ғылымдарының кандидаты, доцент, ТМД елдері арасында инженерлік педагогика саласы бойынша ғылым докторлығын тұңғыш болып қорғаған ғалым. Ресей, Қазақ білім академияларының академигі, ҚР Ұлттық ғылым академиясының корреспондент-мүшесі. 2007-2011 жылдар аралығында өзі туып-өскен Сыр еліндегі Қорқыт ата атындағы КМУ ректоры болды.

Шарада академиктің достары – қазақтың тұңғыш ғарышкері Токтар Әубәкіров, ақын Иран-Ғайып және шәкірті, төрт дүркін Әлем



чемпионы Илья Ильин сөз алып, марқұмның балалық шағы, адами болмысы, ғалымдық, ұстаздық жетістіктері туралы естеліктер айтты. Ал ғалымның ұлы Жомарт Момынбаев әкесінің еңбегін бағалап, кейінгі ұрпақ есінде сақтау мақсатында оның есімін білім ошағына беруге қолдау көрсеткен аймақ басшылығына, ниеттес азаматтарға алғысын айтты. 2017 жылы ашылған, өзі жетекшілік ететін «Академик Б.Момынбаев атындағы» қордың осы мектепте мамандандырылған білім жобаларын қаржыландырып келе жатқанын, алдағы уақытта да көмектесуге әзір екендігін жеткізді.

Айта кету керек, 2015 жылы пайдалануға берілген оқу ордасы білім сапасы жағынан алдыңғы қатарда келеді. Жаңа оқу жылында 180 бұддіршін 1-сыныпқа қадам басса, өткен оқу жылында 21 оқушы мектеп бітіріп, оның 14-і грант иегері атанды.

Салтанатты шарада Байзақ Көпірбайұлының бюсті ашылып, академиктің рухына тағзым етілді, гүл шоқтары қойылды. Бірінші сыныпқа қадам басқан бұддіршіндер құрметіне ән-биден шашу шашылып, алғашқы қоңырау соғылды.

## Білім күнінің қуанышы

Білім күнінде Қызылорда қаласындағы №9 мектеп-гимназияда «Сыңғырла, сазды қоңырау, Мәңгілік ел көңіліде...» атты мерекелік жиын өтті.

Мұнда да білім ұясына алғаш қадам басқан өз шәкірттері мен ұстаздар легі және мектеп табалдырығын аттаған балалар қуанышына ортақтасқан ата-аналардың қалың шоғырын байқауға болады. Сонымен қатар, шараға арнайы келген қалалық спорт бөлімінің басшысы Семсер Сыздықов мектеп оқушылары мен мұғалімдеріне алдағы оқу жылына сәттілік тілеп, құттықтауын жеткізді.

– Қаламызда жылдан жылға оқушы саны артып келеді. Еліміздің дамуы үшін олардың оқуы, танымы мен тәрбиесі жақсы болуы тиіс. Мемлекет қолдауымен білім саласында айтарлықтай оң жаңалықтар орын алып жатқаны өздеріңізге белгілі. Білім мен тәрбие беруде ұстаздар қауымына толайым табыс, үлкен жетістіктер тілеймін, – деді ол.

Мектеп директоры Батырбек Әбиевтің айтуынша, биыл мектеп-гимназияда 1570 оқушы білім алатын болса, оның бірінші сыныпқа қабылданғаны – 176. Ал 120 мұғалім қызмет ететін білім шаңырағы екі тілде де оқушыларға дәріс береді. Алғашқы қоңырау шарасы барлық аудандық мектептерде де салтанатты жағдайда аталып өтті.

## Түлектері түгел оқуға түсті

Білім күнінде облыс орталығындағы Ж.Нұрманов атындағы №198 орта мектепте «Саналы ұрпақ – жарқын болашақ» атты мерекелік жиын өтті.

Мектеп табалдырығын алғаш аттаған бұддіршіндерді қарсы алған ұстаздар, білім ордасының ұжымы жиынды ән-күймен көмкерді. Білім ордасының ардагер-ұстазы Марк Подольский ұстаздар мен шәкірттерді жаңа оқу жылымен құттықтап, сәттілік тіледі.

Биыл 164 бұддіршін бірінші сыныпқа қабылданған. Бала санының жыл сайын көбеюіне орай мектеп жанынан 200 орынға арналған қосымша ғимарат салынып, жақын күндері пайдалануға берілімек. Мұнан бөлек, 3 спорт алаңы да дайын.

– Жаңа оқу жылының ерекшелігі, бірінші сыныпқа келетін балалардың құжаты электронд түрде қабылданды. Сонымен қатар, бірдей форма киді. Өткен жылы мектепті 63 түлек бітірсе, 100 процент оқуға түсті. Олардың тең жартысы Ресейдің жоғары оқу орындарының грант иегері. Бұл – ұстаздар үшін үлкен қуаныш. Тағы бір атап айтарлығы, мектеп мұғалімдерінің 30 проценті осы білім ордасының түлегі. Өзім де осы мектеп түлегімін, – дейді директоры Анжела Садықбекова.

## Жүзден аса оқушы 1-сыныпқа барды

Жаңа оқу жылында облыс орталығындағы М.Сужиков атындағы №6 орта мектеп табалдырығын 116 оқушы аттады. Алғашқы қоңырауға арналған салтанатты жиынға облыстық ішкі саясат басқармасының басшысы Талғат Маханов қатысты.

Жиында Талғат Толыбайұлы барша ұстаздар мен оқушыларды айтулы мереке – Білім күнімен құттықтады.

– Жаңа оқу жылы барлық оқушы үшін ерекше сәт, мектепке қадам басқан бұддіршіндер үшін аса маңызды. Қазіргі кезде елімізде жүргізіліп жатқан саяси бағыттағы шаралардың барлығы адам құқықтарын дамыту мен жаңа форматтағы тұлғаларды қалыптастыру мәселесіне ерекше басымдық беріп отыр. Сондықтан жаңа дәуірдің жарқын тұлғаларын тәрбиелеуді бүгіннен бастауымыз маңызды. Бұддіршіндердің тәрбиесі мен білімінің жемісі жаңа қазақстандықтардың қалыптасуына серпін береді. Мемлекет басшысы Қасым-Жомарт Тоқаев жақында өткен тамыз конференциясында ұстаз мәртебесін дамыту, білім саласындағы реформа нәтижесі туралы нақты тапсырмалар берді. Біз осыған күш салуымыз керек, – деді ол.

Білім күнінде Жарасқан ақын айтпақшы, шағын портфелимен бірге алғашқы жүгін өмірдің аркалап бара жатқанын сезбесе де, бала көңілдері елендеп, жаңа ортаға қадам басқандардың қарасы қалың. Биыл мектептің даярлық тобына 70 бала қабылданса, жалпы оқу жылында бұл мектепте 944 оқушы білім алатын болады. Оларды 105 мұғалім қарсы алды. Сондай-ақ, жексенбі күні барлық сыныпта «Саналы ұрпақ – жарқын болашақ» тақырыбында тәрбие сағаты өтті.

«СБ» тілшілер тобы.



## Оқырман ойы Шәкірттері білім шыңында

Әр күнін қуанышпен өткізіп, алдағы күндерге үмітпен қарайтын ырымшыл халықпыз. Облыс орталығындағы №140 Абылайхан атындағы орта мектеп ұжымы жаңа оқу жылын қарсы алды.

Президент Қасым-Жомарт Тоқаев ұстаздардың мәртебесін, тұрмыс жағдайын жақсартуды бірінші орынға қойып, оқу жүйесіне ауқымды өзгерістер енгізуді қолға ала бастады. Халық көптен күткен, өмірдің өзі талап еткен жаңалық болды.

Бұл – 1150 шәкірт білім алатын, 100 ұстаз еңбек ететін іргелі мектеп. Білім ұясында сабақ беретін ұстаздардың 65 проценті жоғары санатты мұғалімдер екен.

Мен осы мектепті іргесі қаланғаннан білемін. Сонан бері оқу орнын талай білікті жандар басқарып, шәкірттері білім шыңынан көрінді. Бұл мектеп жеке өзіне ыстық көрінеді. Үлкен немерем Қорған осы мектептен орта білім алып шыққан еді. Жақында Алматыдағы Қ.Сәтбаев атындағы университетті бітіріп, елге жоғары білімді маман болып оралды. Ал, кіші немерем Орман биыл ғана осы мектептің түлегі атанып, жоғары оқу орнына түсті.

Қысқасы, биылғы жыл бұл мектеп үшін де, ұрпағымыз оқыған біз үшін де қуанышты жыл болмақ.

Өтген ЖАППАРХАН,  
Қазақстанның құрметті журналисі,  
Қызылорда қаласының құрметті азаматы.

# Жаңа аудан жанданып келеді

Күздің алғашқы күндерінің әсері бөлек. Жаңа оқу жылы басталғаны айналаны ерекше көрініске бөлейтін рас. Арманшыл студент-жастар, мектепке асыққан оқушылар, білім ордасының табалдырығын алғаш аттаған бұддіршіндер мен шәкіртін қарсы алған ұстаздың да қуаныштан жүзі бал-бұл жайнайды.

Гүлмира ДІЛДӘБЕКОВА.

Аймақта мектеп табалдырығын алғаш аттаған бұддіршіндер саны жыл сайын артып келеді. Бұл көбею көрсеткішімен қатар, білім ордасына сұранысты арттырып отыр.

Облыста биылғы жылы 165 мыңға жуық бала мектепке келсе, оның ішінде бірінші сыныпқа 22 мыңға жуық оқушы барды. Бұл алдыңғы жылмен салыстырғанда 2500-ге көп. Өңірімізде сұранысқа сай жаңа мектептер салу жыл сайын жүзеге асуда.

Облыстық құрылыс, сәулет және қала құрылысы басқармасының берген мәліметі бойынша биыл бірнеше жаңа білім ошақтары пайдалануға берілмек. Атап айтқанда, Арал ауданы Сексеуіл кентінде №23

мектепке жапсарлас қосымша 100 орындық ғимарат, Қызылорда қаласындағы №198 орта мектеп жанынан 200 орындық қосымша құрылыс және Өл-Фараби шағын ауданындағы №261 мектеп жанынан 150 орындық мектеп ғимаратының құрылысы жүруде. Мұнан бөлек, қаламыздағы Жаппасбай батыр көшесінің бойынан 600 орындық жаңа мектеп салынауда.

Мұндағы жұмыс барысын көру үшін құрылыс басына бардық. Көпқабатты үй арасынан жаңа құрылыс менмұнда дайы. Жан-жағы қоршалғанын құрылыс алаңында жұмыс қарқынды жүруде. Ғимараттың шатырын қағуға дайындық жұмыстары басталыпты. Ал ғимарат ішінде біраз жұмыс



Суретті түсірген Н.НУРЖАҒАҒАЙ.

енсерілгені байқалады. Терезелер толық салынып, жылу жүйелері жүргізілген. Жоғары қабатта әктеу-сырлау жұмыстары жүруде. Құрылыс алаңында гүрілдеген техникалар бір сәтке тыным таппайды.

Құрылыс салуды жауапкершілігіне алған бас мердігер

«Ария-Жаңа Астана» ЖШС өндірістік-техникалық бөлімінің инженері Мұхтар Қадірбек құрылыс жұмысының басым бөлігі енсерілгенін айтты.

– Құрылыс жұмысы 70 процент орындалды. Енді ғимараттың ішкі жұмыстары

жүргізілуде. Қыркүйек айында ғимарат алаңын абаттандыру басталады. Құрылыс жүргізу барысында бірыңғай отандық өнім пайдаланылды, – дейді ол.

Жаңа мектеп қазан айында пайдалануға беріледі деп жоспарланған. Айта кетелік, жаңа ғимарат құрылысының аяқталуын асыға күтіп жүргендер аз емес. Соңғы жылдары осында қаз-қатар салынған көпқабатты үй тұрғындары балаларын жақын маңдағы мектептерге тасымалдайды. Мұндағы оқушылар ҚБИ және «Шұғыла» шағын ауданындағы мектептерде оқыса, енді алысқа бармай-ақ, өз шағын ауданындағы жаңа мектепке баратын күн алыс емес.

– Балаларым «Шұғыла» шағын ауданындағы мектепке кәтінап оқиды. Кейде оларды күтіп алуға уақыт болмай қалады. Енді, міне, дәл үйдің жанынан мектеп салынып жатыр. Қуанышымызда шек жоқ. Жаңа баспана, жаңа мектеп. Өзім қатты қуанып жүрмін, – дейді көпбалалы ана Сәуле Жалбырова.



